



ZASTUPNICA STRANKE ZA BOSNU I
HERCEGOVINU U SKUPŠTINI KANTONA
SARAJEVO
FATIMA GAVRANKAPETANOVIĆ-
SMAILBEGOVIĆ
fatima.smailbegovic@gmail.com

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA**

INICIJATIVA

Ovim putem upućujem inicijativu Vladi Kantona Sarajevo, premijeru Nihadu Uku i ministru saobraćaja Adnanu Šteti, a potaknuta velikim brojem zahtjeva i sugestija koje sam dobila od naših sugrađana .

Inicijativu podnosim s ciljem zaustavljanja odnosno stavljanja pod kontrolu učestalih dozvola tj saglasnosti za blokadu saobraćajnica koje izdaju nadležne vlasti s ciljem raznih aktivnosti koje provode nevladine organizacije ili neformalne grupe građana.

U posljednje vrijeme je zaista postalo veoma opterećujuće da se gotovo svaki vikend dešava neka blokada saobraćaja, kako bi se omogućilo aktivistima različitih nevladinih organizacija I udruženja provedba njihovih aktivnosti I sadržaja. Nekada je to povorka, trka, skup, takmičenje, ali redovno praćeno blokadom saobraćaja.

Nije prihvatljivo da se građani opterećuju ovakvim blokadama saobraćaja, a posebno vikendom kada u grad dolazi I veliki broj stanovnika iz drugih dijelova zemlje, kao I stranaca I turista .

Ako se ovome dodaju I redovna ograničenja kretanja vozila zbog popravke tramvajske pruge I drugih saobraćajnica, zaista je postalo veoma frustrirajuće, posebno vikendom kretati se vozilom kroz Sarajevo ! Blokiranjem ulica odnosno ograničenje kretanja pojedinim I uvijek glavnim ulicama, ionako otežan saobraćaj se dodatno opterećava što postaje više nego neprihvatljivo .

Kantonalna I gradska saobraćajna infrastruktura, već odavno nije prilagođena ovolikom broju vozila koja se koriste u Sarajevu, te su gužve stalne, što rezultira velikom nervozom, kašnjenjima I sl.

Nekada je potrebno I po dva sata vožnje dok se dodje iz jednog dijela grada u drugi bez obzira o kolikoj udaljenosti se radi.

Ova praksa odobravanja dozvola I saglasnosti za blokadu ili kako se to popularno naziva “preusmjeravanje” saobraćaja, gubi smisao I postaje potpuno kontraproduktivno . U javnosti se čini da je uveden jedan zaista neselektivan sistem izdavanja saglasnosti u udarnim vikend terminima, kada ljudi idu na izlete, u nabavke, posjete rođacima I prijateljima. Nije mi jasna uvedena I ponavljam neselektivna praksa blokade saobraćajnica !

Građanima smo dužni vratiti njihovu slobodu kretanja I uostalom slobodu stanovanja I nesmetanog življenja. Nema niko pravo da zaustavlja I otežava život u gradu zbog aktivnosti koje provodi neko udruženje ili grupa građana.

U smislu zaustavljanja ove prakse I uređenje sistema, pokrećem predmetnu inicijativu I predlažem da se puno strožije pristupa odobrenju blokiranja centralne gradske jezgre za potrebe ovih događaja I da se odrede I propišu nove lokacije za održavanje takvih skupova, protesta, mitinga I sportskih takmičenja. Tražim dakle ovom inicijativom da se ubuduće za potrebe iskazivanja određenih stavova I mišljenja, kao I aktivnosti

nevladinog sektora s ovim ciljem, propišu lokacije koje neće biti u strogom centru, kojima će prisustvovati oni koji to žele, a drugi će imati osigurane slobode i ljudska prava, kako to nalažu međunarodne konvencije .

Već postoje savršene gradske lokacije za te i takve aktivnosti, a to su stadioni, parkovi, Vilsonovo šetalište, Dariva, Aleja na Ilidži i sl. Potrebno je sve ovo samo dobro i kvalitetno iskomunicirati sa svim građanima !
Tražim da se najkasnije, u roku od 60 dana, pregledaju propisi i prakse i ovoj uvaženoj Skupštini ponude konkretna rješenja, a ako je potrebno i da nam se dostave prijedlozi za izmjene i dopune ili donošenje novih propisa kojima će se zaštititi prava svih građana Kantona Sarajevo na istim osnovama, a to je jednaka prava za sve !

Hvala !

Sarajevo, 19.09.2023.godine

Inicijativu podnosi:

Fatima Gavrankapetanović-Smailbegović